

渭南文集卷第一

山陰陸游

表

天申節賀表

化國之日舒以長運啓千齡之盛天子有父
尊之至心均萬寓之驩敢即昌期虔申壽祝

中賀恭惟太任總愈署簽



受命溥將

宋集珍本叢刊

第八十五册

綫裝書局

務觀



靈承于上帝臣方馳使傳阻綴朝班望睟表

四川大學古籍整理研究所 編

儒藏系列

宋集珍本叢刊

第八十五冊

任繼愈署簽



綏裝書局 中國·北京二〇〇四年

第八十五冊目錄

秋崖先生小藁(續)	方岳	一
秋崖先生小藁(詩集)	明嘉靖刊本	一六五
順適堂吟藁	清鈔本 葉茵	三三三
剪綃集	汲古閣影宋鈔本 李耕	三四九
孫耕閒集	清鈔本 孫銳	三六五
雪窓先生文集	明嘉靖刻本 孫夢觀	三七三
李忠簡公文溪存藁	明崇禎刻本 李昂英	四二七
無文印	宋刻配舊鈔本 釋道璨	五六七
無文和尚語錄		六九〇
柳塘外集	宜秋館刻本 釋道璨	七一
澗谷遺集	廬陵羅嘉瑞刻本 羅椅	七二七

秋崖先生小藁卷之九

啓

方岳 巨山

謝除禮兵部架閣添差制幹

伏以贊畫戎垣恍失却卿之步策名故府又爲淮海之遊江山未厭於逢迎歲月幾何其契闊一陶厚矣再駕瞿然伏念某蠹簡故貧牛衣猶暖半畦夜雨甘自隨黃獨之饒兩鬢秋風已不作青衫之夢等輩迫之於場屋詞章奚有於度程亦惟山林鄙野之人未解世俗嬖阿之語寧爲鷄口雖別開先諸子之鳴幾上鼇頭而當路斥老生之懸時已不偶今其謂何故

秋崖先生小藁

卷九

宋集珍本叢刊

雅雅

方解櫻櫨於田間未免化堯鑒於塞上每懷士稚風濤作擊楫之聲竊憤元顏沙草瘞盜邊之骨傾頻年之多事豈吾國而無人乃飛塵餘鞅鞅之腥而淒雨嘯樊廼之鬼寧復煙火萬里之氣象祗傷山河兩戒之圖書恨無能爲惟有痛哭謂此曹宜束高閣請竢太平列多病欲歸故廬自知坎壈夫何誤溼仍贊舊知與聞典故之藏增重賓僚之遺鑒錯節盤根之無取然輕車熟路之可尋巧藥楊州數已老三生之杜牧桃花春觀笑重來前度之劉郎大哉塊土之中容此么微之賤茲蓋恭遇以帝典熙庶績以皇極受羣材日月辛午而無斜陰已開治象天地既交而成泰

道盡入囊橐念窮遠有北轍旒之憂屬大相重東諸侯之寄送使著我之樂育亦勤緘樸之能官某敢不夙夜在公東西唯命文書盈於几閣固非庸陋之堪任勝筭運於籌帷式觀艱難之共濟庶洒腐儒之取用酬真相之知

謝制使趙端明

伏以無補玉垣滿當辭去誤塵金耀趣使復來蓋三騰薦稱之章喜再有依劉之幸自朝元白倍費雌黃伏念某起山林憔悴之餘極門地單平之最抱璞而泣莫知我苦鼓瑟雖工其誰好者何一望末光之始如三生夙契之歡政以冷官愁紫邏之雲乃不暖席入青油之幕辭而幫信抵胃中耿耿者尚存愚且弗

秋崖先生小藁

卷九

宋集珍本叢刊

移輿世間落落而難合敢圖國士之遇獨推男子之奇行天下得此於人國亦寡矣觀遠臣以所爲主若將終焉適老親一病之幾危而羈官百憂之交集兄伯遽沉於泉壤室廬又化於灰埃坐銷少日之壯心每滴故鄉之老淚居官何樂幸已近及瓜之期將父言歸豈但爲誅茅之計用不憚家山之幽阻亦誰知俗駕之物回粵思故府之藏仍贊元戎之畫斬新秋色久憶松江之鱸依舊春風重跨楊州之鶴世有推之去耳誰肯遮而留之未懷此恩欲報無所茲蓋恭遇以身許國以人事君謂安邊竟立功名雖不假一狐之腋然識時務在俊傑尚或取九牛之毛旋觀大幕之開尤增敝帚之重雅相歡賞實異等倫故凡奏

願於公車問俾謝恩於私室蓋他人知其一未知其
二何有亡獨我公至於再而至于三不進不已遂
還去馬無棄前魚某敢不銘而書紳行矣僕被丈夫
當濟四海何必中朝之官烈女不踐二庭寧負平生
之志勉圖已試無忝所知

謝吳總侍

伏以身落邊城久矣思鱸之夢名聯故府居然騎鶴
之遊所愛負臨賀之知政曰失却卿之步亦云幸甚
請具陳之伏念某起山林憔悴之餘極場屋摧頹之
久抱璞而泣莫我知兮鼓瑟雖工其誰好者儻不過
天下第一人之傑將復有平時日五色之迷蓋刑賞
忠厚之文前輩猶疑其門下士而冥之次惟有物混

秋崖先生小藁

卷九

三

宋集珍
本叢刊

成之賦識者始覩爲公輔器而擢之魁故雖試別闈
而主司喜韓愈之奇然至對殿廡則當路斥子由之
直方糾擻田間之機揆竟低回塞上之荒整所賴王
人寶維座主謂夜半既傳於衣鉢豈春風不冥於襟
懷逢人而說項斯何惜牙齒之潤下車而薦文舉相
期羽翼之成夫何俗駕之勒回大負公車之剡進乃
典司於金耀仍畫諾於玉垣乃藥楊州歎已老三生
之杜牧桃花春觀笑重來前度之劉郎第懷此恩欲
報無所益蓋恭遇典禮樂如諸葛亮而無其短陳天
人如董仲舒而無其迂以皇極受人材蓋將爲他日
股肱之備以論語治天下豈惟滋後生口耳之傳用
能得士於獲獲之間每亦覩人於筆墨之外遂還去

馬毋棄前魚某敢不銘而書紳行矣僕被所考試士
隨爲宰相當不愧權德輿之知問無恙外賀得主人
幸自致李中丞之側求言稱塞惟有好修

謝廟堂

天地開除一賢柱石山林深密羣蟄風霆故雖肖翹
蠢動之微亦在垓北陶鈞之數偉哉造化可以隆平
某聞持天下國家猶權衡此首輕則彼尾重譬君子
小人若水浸衆陰長則微陽消試嘗還觀二三年以
來豈但可爲六太息而已朋比成痼寒之疾姦諛推
狂倒之淵夫然故舉世無公是非盡網空諸賢之去
而未已此身有小有小利害擲筆嘆名節之壞而不慙厥
有歸哉嘻其甚矣聖上雖照於久儲神之後乾旋於

秋崖先生小藁

卷九

四

宋集珍
本叢刊

十天半之間爰立真儒旁招俊彥昔何爲者歟難宣
舞而狐狸夜號今則易然蟋蟀秋嗷而蜉蝣陰出弓
旌所及冠蓋相望執云風飛雷厲之初亦起月鈞雲
耕之輩如某者晚未聞道愚不識時未居士經幾度
春自憐傳癖毛錐子乃作此崇蓋坐文窮鬼擘口而
草東捆之書璞剛足而種南山之豆三年牛下謂休
此生一枕鷗邊敢作他夢適會我公之大用遽令去
婦之復還上方稽之乾道而等之紹興幸咨薦進士
雖棄於熙寧而用於元祐何愧行藏我儀圖之孰主
張是茲蓋恭遇以伊訓任天下之重以戴經統吾道
之傳立大政興太平世賴有股肱之喜開衆正杜群
枉帝知無毫髮之私用能索之康鹿之羣曾不棄此

愚魚之註基敢不賦養我之樂育連第茹之景征幼而學壯而行儻遂青生之志人所棄我所取難忘國士之知苟負初心有如敏日

謝執政臺諫

雲耕月鈞久坐文窮地闊天開事回造化雖亡半之感可爲扼腕而屈蟻之伸殆已冥心不圖黃紙之除亦到青山之外伏念某自與少可所遭輒奇方仕之萌蓋發經白鹿之洞維家之棘竟尼軻青牛之車意塊北於此時已胚胎於茲事乃使環滁而讀醉亭之記因遂臨淮而爲辯幕之賓時則議諸相之不咸甚至勤九重之有訓彼陸賈者本欲交歡平勃之間如昆錯何適自取亡吳楚之削慨念平時之建白無慙

秋崖先生小藁

卷九

五

宋集珍本叢刊

萬世之汗青以羣狐畫嗥之秋豈兩虎私圖之日盡棄尋常之陳具陳咫尺之書如能披肝膽而布腹心物亦爲之感動或尚事形骸而分爾汝世自有於是非示時然難之言即授相如之簡文成數刻率悞揭機事繫三邊敢爲身計謂相捨以和叛清議謂賊機以和誤聖朝誰實主之患無大此猶記縉紳當日之傳誦或塵冕旒乙夜之覽觀會幾何時聞中國之相司馬其孰爲罪殆彌天之釋道安用煩柱後之抨彈追咎幕中之屬黨家客馬周所爲也豈惟趣召之今無後世子雲必好之耶復解朝而奚有蓋已屈平問卜詹之歲曾微子公入帝城之書若將終焉何意今者鶴警愚公之夢犬驚去婦之還所謂起公道於寂

寥之餘於此見盛世有清明之象茲蓋恭遇執政以至公開衆賢之路以樂與立太平之基黃鍾鼓而萬宇春地天交泰驚霆轟而羣蟄奮巖穴爲空肆令憔悴之蹤亦在欣榮之數臺諫以至公杜羣枉以樂與基太平某也忠某也回未嘗一日無君子之論孰當陟孰當黜方以此身主吾道之盟是用包荒亦容連茹某敢不拔除筆墨之祟擎欽山林之心三年不蜚不鳴既久知命義之戒百世而上而下方將求義理之歸

謝丞相

子來幾日慨懷歸去之辭禮絕百僚敢意褒榮之宇妙鈞播於垓北聚神光之陸離求言藏之可謂遇矣

秋崖先生小藁

卷九

六

宋集珍本叢刊

伏念某起於樵牧僻在山林古心古貌而讀古書自忘其拙圓行圓言而應圓物要匪所長故雖碌碌以無奇亦每落落而難合不自意楊州之役誰其誤老子之知季鷹憶蓴菜而言還方且泣數行下何遜爲梅花而再往則已難頃刻留顧女無醜好而昂姑者事之常然心有是非而頗異者機之駭吾亦從此遊矣徑尋三逕之盟未嘗過而問焉恍隔十年之夢嗟短檠其求棄倚長鋏而不揮會班文德以聽麻知董戎昭而授鉞長者紀子子絕義者有邀元亮於道中將軍負腹腹負將軍欲致石洪於幕下衆人固不識也夫子可復許乎獨自傷驚餌之魚兮安用乘軒之鶴政恐重煩於指目亦嘗盡布其腹心題勤翰墨之

光聖如金石之約豈兩魯生不至固亦博士之所羞
彼一范增何如未必楚王之能用至則間忌之入不
逃忖度之私蓋上賓自有於却超諒下客難容於毛
遂次不用言大不行道我則奚爲向以國士今以衆
人是殆宜去深鑒覆前之轍亟回輿盡之舟既與世
以無緣因抗章而有請謂徑卧一丘而已足初不失
於屠羊惟曲成萬物而不遺將復充於振驚繁然雲
朵來自日邊將令論著於道山仍畀潛華於卽省夫
何爲者有移光範之書止或尼之倍費化鈞之鑄仰
窺妙畫莫贊元工茲蓋恭遇學足以爲帝者師言足
以爲天下法治象如一陽之復迄回厄運於熙平兵
氛無半燧之驚坐冥邊陲於寧又念中國夷狄盛衰

秋崖先生小藁

卷九

七

宋集珍
本叢刊

又

某丐歸田里本爲出莫之謀需次江城更冒分麾之
寵苟有以藉口而去豈不勝強顏之多即日就塞再
旬抵舍相國之賜大矣今者其謂斯何亦曰求仁而
得仁庶幾可止而則止蓋如某者慙以爲直執而無
權始爲建議而背之不忠未解公孫之詐與人商論
而不能下氣自取昌黎之窮儻非一轉於化鈞將必

續

重罹於謗殆吾在汶上矣今奚費於移文君薄淮陽
耶敢更陳於免摺

南康到任謝廟堂

一麾江海敢圖縮戌之期三逕林丘莫遂投閑之請
言秣其馬式開我龜敢告至於鉤衡請具陳於竿牘
伏念某受命於獨許身何愚蠢魚之癖不除信書成
誤慶龍之性故野與世絕疎但知惡元子之圓寧解
乞天孫之巧汲黯妄發或者亦多憚之李廣數奇不
過不得侯耳無可奈何莫中之辯盡歸乎來谷口之
耕徑削牘以丐祠幸出綸而予墨撫牧既還其處所
禽魚皆覺其歡欣方將娛憂舒悲一發於詩政自伏
輿潛深無關於世使移生去弗果安知不楚市之錡

秋崖先生小藁

卷九

八

宋集珍
本叢刊

彼和氏泣矣爲曾未毀荆山之璞乃趣齊丘之戌已
傳張翰之歸詔恩弗許於辭行心口自爲之相語晦
庵往矣寧復斯人廬山高哉妙絕天下將不負平生
之目且飽觀老子之書茲蓋恭遇以立道統爲帝師
以聚人材爲相業當端平琴瑟更張之始律呂調而
正聲諧及淳祐魚龍雜襲之餘雷霆轟而羣陰蟄天
開一泰公得衆賢不惟中朝無精杞鑒養之儔亦欲
方國有渤海潁川之政還觀近者厥亦備哉謂先儒
所藏書存而俗吏乃敗人意周濂溪幾傳至此每慨
思紹續之難范文正一筆勾之何耕去狼貪之勇遂
承人之乏夫豈村墟某敢不近戒履車遠窺佳躅第漁
取適遭於竭澤恐書癡無救於陋風杞菊賦成未免

有吁先生術太守之銷蘭亭帖在蓋備聞以著廷選
即省之言其求寶之非敢望也

兩易邵武軍謝廟堂

聞舟過風其敢視人之溺鄰國為堅不虞按吏之選
脫非獲情以如天誰與轉移而易地某知自笑請具
陳之伏念某窮且益堅愚而自用當沒黯之妄發不
能為性命而忍須臾雖李廣之數奇未嘗以屈辱而
遂摧沮故知有是非不知有利害毋得罪於獨宰得
罪高明平生所為每坐如此會守廬山之荒壘正臨
匪澤之重湖飛揚舳艫惟憐舟之湊集雖突圍圍甚
牽盜之獻呼每挺刃以駭吾民至殺人而乃諸軍何
為太息莫敢孰何豈惟雄霸之風乃是清平之世此

定

秋崖先生小藁

卷九

九

宋集珍
本叢刊

得

何

而不戢亂亦非難痛絕治之具是驅龍蛇而搏虎豹
稍憊艾矣幸無舞歟錯而號狐狸獨有湖廣之綱精
敢據康廬之石閣薄人於險竟致漂淪顧天倘棄有
來赴愬然則為之長者得不追而杖之夫寡葉臨吏
之卑辭已觸權貴人之盛怒冠雖弊不以宜優人謂
斯何水之激可使在山慮不及此其所謂之體貌實
可駭於文移縱自卧上床使客卧下床未除豪氣然
居處北海寡人處南海胡涉吾疆驟騰勃奏之章重
費升包之度此蓋伏遇以皇極容受以大明照臨謂
爾湖廣謂我江東瞭然壤地之志効此鄰邦効彼
朝士及乎唐藩鎮之憂於其不得已之中示以聊得
爾之意蔽自密運薄言對移失一老兵得一老兵似

無傷於毫髮待以國士報以國士敢教布其腹心尚
念某草茅之習固然萍梗之蹤方定若曰統臨之部
本無界限之分恐即國難而朝廷處之亦難既江東
可則福建矣其不可畏首畏尾吾身餘幾誰云天地
之寬何義何筮爾牧來思孰與山林之密敗因摧謝
以報折

邵武軍到任謝廟堂

以柳易播盡出寬慰自江入閩已抵遠戍雖耳老生
之直諒備知吾相之曲成庶幾此聲坐以無事蓋焦
外之為郡多風波之悍民問馬及羊莫施鉤距帶牛
佩犢動以兵爭固嘗弄鋤挺而貽丙枕之憂至今解
網紐而無甲令之懼具喜則人怒則獸之處屬方有

秋崖先生小藁

卷九

十

宋集珍
本叢刊

於小驚迫車如樓馬如狗之來乃亡何而食竟豈饕
遂能安渤海之盜豈汲黯能寢淮南之謀事有偶然
況如其者徒以柔不如剛不吐或嚴憚之若夫用之
行舍之藏孰主張是比觸權貴人之怒已歌歸去來
之辭或曰自近移遠宜若默然詎容堅卧如使以退
為進是謂過矣必毋番行冒焉此來吁豈得已不圖
狂狷乃有聲梁楚之間或可輯寧伴無異魯鄒之俗
聞之道路相與誦言無犯有司是嘗折南陽帝親者
顏哀老子其將如癡兒官事何幸此危蹊轉而安跡
此蓋伏遇以六經熙帝載以三代育人材不得中行
而與之寧使負草莽之氣吾見君子斯可矣母令坐
口語之愆乃陶埴之鈞不失墻郢之拔某敢不愈

秋崖先生小集卷之十

方岳巨山

啓

通李帥制冬書

雷在地中復日增繡壁之紅子爲天之正春麗油幢之碧若時龍紆式對麟符某官聲明黃鍾之和文物清臺之瑞長嘯而却胡騎喜鯨海之波澄高卧而護國門覺蜺旌之雲暖方勒勅於汗竹肆委貺於淨蒨珣戈淑旗其視爾師龍鼠已消於陰惠元袞赤鳥入趙王觀鳳凰過覽於陽暉某辱出師墻追瞻帥鉞紀漢官之迎至婁驚節物之崢嶸吹鄒律以破寒難既襟期之磊砢其爲系頌第劇臨綜

秋崖先生小集 卷十

通吳總卿

宋集珍本叢刊

子爲天之正身極南極之景雷在地中復春連北斗之魁喜綏室之律回覽總臺之雲麗某官天人三策禮樂百年方排閭闔皇球珎之奇鵲鳴集九霄之曉題羞崑崙薄蓬萊而去貌貅飽萬竈之煙要不爲然上已陳之言姑將試臂中有用之學聽風盡消於陰曆韋達副長之休鳳凰過覽於陽暉式對亨嘉之會某遲瞻卿月丕戴使天吹鄒律以破寒觀放梅梢之暖朝漢官而迎至倚飛芝宇之香其若頌言莫殫襟抱

通劉徽州

雷在地中復護飛綏室之書子爲天之正梅池練溪

之暖懽騰燕寢頌決鯨尊某官聲明黃鍾之和文物清臺之瑞朝崑崙夕元圃豈但曰一二千石之良左浮丘右洪崖乃肯賦三十六峯之秀於穆穆樛之最近前有召父後有杜母何知戰衛之日長某式對亨期丕承副德紀漢官之迎至婁驚節物之崢嶸吹鄒律以破寒更探陽和之消息其爲瞻詠第劇臨綜

通趙通判

驗長安之日五紋添弱線之紅瞻別駕之星一札奉香泥之紫嘉亨之會副長惟休某官翹秀銀潢摩華瑤海跨蓬萊而餐沆瀣要是斗南之人排閭闔而呈琅玕自奏河東之賦練帶何煩於驥足綸褒已下於

秋崖先生小集 卷十

宋集珍本叢刊

瑞頭七日而一陽生是爲天地之泰九遷而三節召式符朝野之需某過覽陽暉丕承陰賜春回鄒律易消窮谷之寒雲麗魯臺更放孤根之煖其爲系頌未易名言

通知縣

律應黃鍾之宮雲酣護暖春到青山之縣雪沁梅清有嘉雙鳬舄之飛過襲五鳳樓之喜某官民自得於彈琴之外治不出乎讀書之間蘆崑崙薄蓬萊迺肯同於餘子呈琅玕器閭闔當不減於諸公倚催鳴玉之班丕對綰銅之最吾道亨矣想廣酬鸚鵡之杯帝曰俞哉其獻納鵷鴻之陞某分暉鄒壁馳頌慶庭吹鄒律以破寒莫旣襟期之磊砢紀漢官之迎至第驚

節物之崢嶸

回黃黃州

強園協洽之年剝餘必復上元甲子之曆陰極而陽
敬訊設室之春莊勞竹樓之月共惟溫其愛日瑞則
慶雲黃州冰雪之宵六宜在否赤壁風月之笛萬頃
茫然式對迎長思皇受祉某掉頭欲去拜手未能孤
鶴橫江乃飛落東波之宇一牛耕雨恐歸尋西庵之
盟

回江運使

繡壁春融有永漢宮之自緹函曉襲聿飛卯翰之雲
佩雅意之相先愧頌言之已後此蓋某官文成唾玉
誼重斷金惠我雙鯉魚共喜甘芬之錯落出呼五花

秋崖先生小藁

卷十

三

宋集珍
本叢刊

馬第驚節物之崢嶸

與丘運使

玉莞春回已動揚州之梅與霜臺雲暖過飛詞掖之
芝香若時繁釐集我儒彥某官蒼壁之粹秀黃鍾之
函和消羣惠於六陰慨有澄清之略復亨期於七日
揆陳平治之謨式對迎長於皇入覲某聞歡聲之旁
午嘉幸會於同寅贈我明月珠敬佩書紳之感報之
青玉案敢忘獻機之銘

與宰執

曉奏觀臺蒼籙紀五雲之瑞暖回宮壁洪鈞轉一氣
之春維時元臣克受蕃祉某官履日月之會見天地
之心坐廟堂而進退百官盡消羣惠幹造化而開張

萬物潛復初陽茂迎愛景之長有衍丕圖之慶某屬
分捆寄進企階符天子之宰通神明諒臻純嘏太平
之期當今日式對享嘉

與侍從

霽景浮空雲紀魯臺之瑞初陽襲冕春回鄒谷之寒
有帟禁班玉承帝寶某官蒼玉粹秀黃鍾函和擇一
中肅消群惠於六陰之極與衆君子致享期於七日
之間嘉此迎長既多受趾某謬將使指莫賔榮燠
入孤根已動揚州之梅與曉傳殊渥喜聞詞掖之
香

回滿宰

魯臺書至聿來七日之亨潘縣回春已上三年如暈

秋崖先生小藁

卷十

四

宋集珍
本叢刊

雄時給檢式對綈設某官有承其相如日可愛暖
史三之景頌如之何徑排尺五之天會且歸矣某故
還山墅久典朝衣曩章服揖上官要非間居者之事
登靈臺認雲物已僕見上方之歸故修記室之辭往
代掃門之禮

回諸郎

倬彼魯雲必書為瑞溫其趙日可愛如春維周宗盟
自天第標某官土圭之正玉璫之和于鑒麟兮式時
公姓衆維魚矣哀對天休福履綏之君子榮只某明
農未遂介壽無繇節物崢嶸第驚老朽文章爾雅徒
負衰榮不敏之辭何足以謝

回樞府

日行北陸六琯初飛雲麗西樞五兵不試於皇亞歲
克相明時某官舒為慶雲溫如愛景顏氏之復萌動
一陽孔聖之時會逢千載與國無極對天之休某免
積未俞慶函敢後耄及之矣惟有賦歸歌以訊之亟
其爰立善頌無數德音不瑕

回從藩

天回候館設室浮春地重价藩荷囊錫羨若時亞歲
東對殊休某官一陽剛方六氣純厚俗熙愛日暖入
袴襦操凜層氷蔚為冠冕迎長有慶登最維良某退
然衰蹤辱此華翰頌言無數聊附回翔歸興甚濃第
增提曳

回京尹

秋崖先生小藁

卷十

五

宋集珍
本叢刊

律回天統閏閏日長春洽王畿觚稜雲暖思皇工尹
介爾邦休某官體備四時氣函六琯為國味舌於穆
論思滿腹精神適先禪壓萃只第祿昭於蓋臣某耄
亦何為歸則甚力恍驚日至設室陽生終必天從茅
簷曉曝未央感戢敢拜重勳

回殿巖

土圭襲景玉帳浮春有赫虎臣聿來麗社某官以國
心替為王爪牙羽林神兵闕其有勇觀臺雲物於鑠
我師某政爾感時遽勤飛翰瞻言推謝不盡銘藏

回朝士

黃宮氣應一線日長紫殿班回五色雲見端人萃只
吾道甚休某官稟有歲寒溫如愛景瑟彼葭琯陽長

陰消於紫理林日光玉潔有邦之慶乘時以亨某
然衰蹤辱此華問渠央感戢敢拜重勳

回監司

六琯雲飛有開亞歲一臺春郁於樂明時某官裒對
初陽導迎純嘏既書魯史非霧非煙宜布堯仁如天
如日某老驚節物愧見書辭槐位暮年屢陳老矣茅
簷愛景終賦歸歎徒負頌言未央感戢

回鄭少傅

春浮緹室遄復新陽天啓經惟有皇舊弼帝王之學
造化同功某官治格端平身為元氣至今化日宮線
屢添共後書雲袞衣再入與國無極對天之休某久
間歸期聿逢亞歲土圭莫測坤北無垠調鼎重來太

秋崖先生小藁

卷十

六

宋集珍
本叢刊

平有象於樂壽豈未央頌言

回楊郡王

日躔北陸肇正天元春入南陽聿連帝曉黃宮浮暖
紫極流暉某官一氣之和五雲之瑞為國元舅自牧
以謙得易初爻不遠而復皇明所燭景福來同某久
欲垂車未遑削牘華星宇宇振奉函書契雲莖莖第
驚節物

回鄭監丞

愛景雪融黃宮初暖老僊雲卧白日自長諒深丙枕
之思寧久午橋之夢某方修襪頌遄奉緹函君子有
酒旨且多更厘蟻泛治世之肯安以樂式俟鳳儀

賀丞相

荔挺芸生一陽初復柳舒梅放萬象皆於有皇播物
之仁盡入迎主之景某官識參造化德備中和聚正
進而小人消君臣胥慶群陰退而吾道長天地開除
一氣洪鈞八荒膏域某親為宗翰莫望台符坎比無
垠但覺觀臺之雲曉太平有象永依化國之日長

又

天地開除一陽生而羣陰蝨國家閒暇衆正進而萬
象春某官行孔之時學頌之復經綸天繹有開剛長
之休闔闢神機盡屏私邪之沴皇明所燭景福來同
某親長宗掌宴瞻台極春浮綏室已先南北之枝雲
爛忘東從政東西之府

回景獻邸

秋崖先生小藁

卷十

七

宋集珍
本叢刊

一陽萌動綏室春浮萬象開張藩房天近有偉亨嘉
之會章開剛長之期某官自牧以謙不遠而復溫其
趙日欽為可愛之陽和倬彼魯雲要是太平之瑞氣
對天之祐與國同休某近別講臺遙瞻宗翰景長官
壁喜添一卷之書暖入奎躔茂錫百朋之祉

回榮邸

日長宮壁已浮葭律之春天近藩房有韓棟華之鄂
哀時之對與國同休某有事紫壇未瞻翠水忽枉五
雲之翰謙以先之又添一卷之書復其亨矣

回鄭丞相

天地開除一陽生而羣陰蝨國家閒暇衆正進而萬
象春於赫休期相時元宰某官運璣衡於皇極熙宇

寓都

宙於洪鈞天下再太平一卦爻之消長治世小元祐
六律呂之中和有嘉播物之仁盡入迎主之景某粵
從舒幕落在廬山南枝暖而北枝寒夫豈化工之意
陰氣剝而生氣復言觀坎比之春

秋崖先生小藁卷之十

秋崖先生小藁

卷十

八

宋集珍
本叢刊

秋崖先生小藁卷之十一

方岳 巨山

啓

通州府年書

聞闔開黃道聿新鳳曆之元燕寢凝清香誕輯虎符
之瑞春融族管頌浹椒盤某官氣函玉燭之和識造
璣衡之妙昔無襦而今袴汗青遡紀於竹書言如絲
而出綸泥紫已塗於芝宇地天之泰朝野所需某三
見椒管一歸塊北雲深戟衛諒鳴璆蟻泛之春日轉
觚稜觀璚珮鷄人之曉中和之詠熙皞惟均

通通判

春皇撫宇宙聿新鳳曆之元霽色滿乾坤誕輯熊羆

秋崖先生小藁

卷十一

宋集珍
本叢刊

之瑞雲斟族管香沁椒盤某官氣函玉燭之和識造
璣衡之妙治中半刺史喜光風霽月之平分新安吉
富州覺練水昇山之增麗於皇渙渥式對泰亨某三
見椒管一歸塊北暖融泥軾諒鳴璆蟻泛之春晴轉
觚稜觀璚珮鷄人之曉康沂之詠屬邑惟均

通教授

春皇撫宇宙聿新五鳳之元霽色滿乾坤誕輯三鱣
之瑞雲斟族管香沁椒盤某官發括山煙雨之奇浥
石門洞天之秀擁龍蛇搏虎豹駭觀昌黎奇怪之文
騎麒麟翳鳳凰雅有周公太平之畧猗歟紫紱美彼
青規某遙邇匪辱敢忘傳鯉先生自此升矣春浮栢
葉之觴館下立而誨之雲麗槐陰之市衷丹所屬楮

素奚輝

通幕職

經謂一爲元珪曆更新於族管陽內三爲泰瓊瑤盛
集於蓮池時若青規誕敷紫紱某官識造璣衡之妙
氣函玉燭之和幕府粹清不妨尋練水屏山之勝江
城寥沉豈久稽粉闌瑣闥之遊肆及正陽渙流春澤
某陸沉僚底三易歲端浮蟻沁柏葉之香莫塵燕厦
朝馬踏梅花之月過觀鵲驛其若衷丹難窮楮素

回王知軍

青旗催曉遶新鳳曆之端鼻蓋班春誕輯虎符之瑞
某官慶流戟衛恩浹邊城式遡尺一之需懋對茂三
之泰某濫塵烏幕肅奉魚書遶瞻竹使之華已後椒

秋崖先生小藁

卷十一

宋集珍
本叢刊

花之頌

回諸縣

蒼龍易次青鳥司辰遶新花縣之春於袴椒盤之頌
某官政成三異仁及一同懋迎寅令之和丕輅庚牌
之召某未遑削牘猥辱飛緘頌言調單父之音相與
希正王之澤

回立憲

彼美青旂肇布王春之令於皇繡斧誕敷帝皞之仁
芝函與珪屑俱新族管並玉花齊瑞某官奉行寬大
遠有光華一氣轉洪鈞催攬澄清之轡九天開黃道
遶歸禁近之班喜聞櫪馬之宣共俟詔賜之下某又
逢穀旦載頌椒盤分淮海之陽和有來雲朵揜覽湖

之明月徒想風期

回吳總侍

風轉青旂聲布王春之令天開紫橐誕敷帝皞之仁
遙有蕃釐介茲茂德某官星避南斗筆回東風才名
當世之少雙上虛佇之久矣江山天下之第一民歌
舞者再焉及此端辰幸來異數盍簪而喧櫓馬想忻
奉於潘輿飛墨而落詔鵲嶺趣歸於漢殿某又逢穀
旦載頌椒盤北固樓臺正隔清江之雪東皇宇宙幸
連淮海之雲願言節宣昭受渙渥惟精調於鼎食惟
玉尉於巖瞻

回潘宰

閨闔天高蒼籛開而一元始河陽地暖洪鈞轉而萬

秋崖先生小藁

卷十一

三 宋集珍
本叢刊

象春維時發端既多受社某官大簇之動孟陬之和
妙彈單父之琴遄歸鳬舄徑造承明之殿親發猷樽
某有放還山久不蓄饋壽之杯酒無手版之倒持寫
以竹書有背芒之若負

回景獻卹

輦路春回初鳴鷄人之曉藩房天迄率開麟趾之祥
恭惟與時偕亨維德是懋玩聖經之五始學以日新
會春王之三朝道隨元長地天之泰宗國同休某猥
乏見聞繆陪講習聞命幾何日矣乃今方堂帖之頒
往見猶未能焉是以後賓榮之賀

賀范丞相

鳴閣奮庸聲登宰揆麟經書始遯局王正一元隨萬

化皆春羣動與三陽交泰共惟以大學為相業以無
逸為廟謨積陰開除形聲和而天地應象正興起元
首明而股肱良有儒蒼樞欽時皇極某仰瞻翹館迺
隔叢霄新年賀太平共喜洪鈞之轉陽春布德澤式
顯寒谷之吹

荅程教賀正

歲在作噩天開用九之乾正于孟陬春洽內三之泰
率來墨詔起我筆峯共惟有秘畫前無虛名下騎長
鐙而訪白新薄遊并水之宮駕飛鳳以凌清當徑上
雲香之閣橫經何日用易一元某雲卧草亭風傳椒
頌千金裘五花馬莫辭樽酒之細論尺素書雙鯉魚
但愧故人之遠意

秋崖先生小藁

卷十一

四 宋集珍
本叢刊

荅景獻卹

歲紀旂蒙正對一元之始晨趨闕闔有開萬象之春
於穆青陽介時朱邸恭惟制行信厚秉心塞淵識參
義易之占履而後表學謹麟經之法正次於王與宗
國以同休交天地而錫羨某嘗陪講席敢後慶函闕
笑晤言恍三山之如舊尚其問學與六籍以維新

秋崖先生小藁卷之十一

秋崖先生小篆卷之十二

啓

方岳 巨山

賀書常卿

茶伏讀贊書諡躋宗伯文章宿老寧久法冠禮樂清卿有華儒几蓋所謂景星鳳凰之瑞夫豈樂秋天賜鴉之爲乃咨秩宗新我頌典當使文物聲明之盛無慙太平經制之書上意則然吾道幸甚其出無僅焉坐隔顧羣招諸生齊魯之間則俎豆聞之矣致吾君堯舜之上豈玉帛云乎哉嗣有論言奚爲繇葩

賀呂宗卿

恭審權從爲府董正麟宗上帝鑒觀四方獨系隆於

秋崖先生小篆

卷十二

宋集珍本叢刊

我宋文王本支百世思篤叙於吾儒乃咨蹇蹇之王臣糾合振振之公姓是皆法從有偉名卿非熊非羆非虎非龍公望久矣如圭如璧如金如錫人快觀之式願詔草之頻增我社粉之重其喜於賀厦出則無車猶未免鄉人豈惟可太息者六恥獨爲君子所類有達尊之三敢不彈冠倚須臾聽履

賀范尚書

伏讀贊書諡躋常伯大司空掌邦事碩觀風俗之淳老成人有典刑日繁朝廷之重蓋以孔氏中庸之學能立周家太平之基詔曰予虞時維汝翼謂朝不信道工不信度允藉納言然入則有保出則有師薄聞後命恭彈冠以喜望履未遑歸來乎出無車亦正坐

馮歡之數告之曰行有日且將送韓愈之窮敬貯諸商聖彈欣豫

賀吳閣學

伏觀卽函顯躋冊府二三謀典於皇繼序之傳百萬甲兵增重提綱之寄遽通班於曳履殆舉國以彈冠抑人有言方時多事共慨四郊之多壘遺君父憂誰爲萬里之長城衛行在所表裏正茲於外禦本根尤急於內寧惟浙東西在帝左右旣久扭安於畿甸曾歲穿朽之干戈顧今當艱難之時安可習承平之故乃陸延閣誕詰戎兵難以文章鳴國家固吾君之親擢然而忠信爲甲冑非真儒而孰歸行矣登庸式宏經濟其隔茲衣帶之水莫俟替綴之塵玉顯哉文王謨喜峻直西清之速歸來乎太公望豈久爲北國之遊側耳思言馳心丈席

賀吳尚書

伏審峻陟文昌併提戎律統六師平邦國已折佛狸窺江之萌方千里曰王幾要有虎豹在山之勢茲惟上意允屬我公某嘉與薦紳誦傳綸綍今日之功成於一儒者豈但盧武夫之類長江之險可敵十萬人日足破胡人之膽當觀王佐式濟時艱

賀程恭父

伏審令嗣凱奏橋門謹傳里閭鵲袍園聽已觀一半之青職畫橫陳遡解兩優之榻不負金籬之教子共矜壁水之得人某孱在契家白之叔氏仲孺有服難

秋崖先生小篆

卷十二

宋集珍本叢刊

歸賀慶之騰阿戎共談敢代絨勝之臆其如雀躍莫
既魚傳

賀徽倅葉校書

伏審鳳鶴綏屏聿臨練帶新安之山水大好要識行
秘書別駕之風月平分豈但半刺史耶復爾耳能久
此乎恭惟獨抱遺經追配古作故能奪多士之氣取
象魁三蓋嘗登太微之庭去天天五胡以獲麟之筆
而監無懈之州如聞此來有欲爲王留行者雖曰小
屈焉能使予不遇哉頃紬金匱之藏亟侍玉皇之案
某柳橋一別苦塊三年素鞞已終曾索長安之米青
山無恙竟回剡曲之舟自憐赤谷之難春能到草堂
之幾日隔曲江之面幾若避於燕鳴寄感山之詩尚

秋崖先生小葉

卷十二

三

宋集珍
本叢刊

相忘於鷗鷺

賀葉秘書

竊論宣室典思道山入直獨提麟筆兼史氏之三長
復近鰲鼉異元都之再至每嘆南省第一人之選胡
爲東藩半刺史之淹盍歸乎來公論則爾恨見之晚
上意可知茲特起於借塗會立登於要路某辱居榜
下每在談間石渠天祿之得人爲斯文喜巖嶼林扉
之留我有老圃存敢竊問於行期容重陳於別悃

賀景獻郎

恭審眷隆外郎思錫中閨石笋脂田都小君之美號
金花羅紙煥公族之殊榮壺則維嘉人倫以厚恭惟
學誦而德益進身正而家自齊親親賢賢不曰諸侯

王之子夫夫婦婦要皆士君子之風是有柔儀車來
徽數某濫塵經席欣觀綸函雖微詩禮之漸磨但敬
閨門之雍穆

賀韓寺丞

伏審出綸中禁提鉞外臺聞廟堂選士大夫之廉惟
君侯可念郡國奪慈父母之愛如吾民何故其依戀
昔山情所以慶快者公適獨喜紫陽之大振必爲黃
山而小晉某三選已荒二天猶在想鄉人卧轍共思
煙篆雨笠之春然舉世貪泉敢爲浪舶風帆之賀

賀王使部

伏審使符作牧兵衛在行太微二十五星即潛華甚
新安三十六岫公望父之教告前驅寬予後至恭惟

秋崖先生小葉

卷十二

四

宋集珍
本叢刊

淵深七澤洞達四窓早登詞翰之場如驅龍蛇而搏
虎豹自典文書之度已駢麒麟而駢鳳凰方飄飄然
道家蓬萊之山殆殿殿乎耳泉侍從之素乃遶湖陰
而出節旋分邸寄而易麾豈其愛江水之至清淺深
見底或者念歲惡之不入農耒皆傷誰手摩之民瘼
甚矣抑恐君相之意不先一州其歸報政之成寧淹
五月行春近只見晚謂何某白首寡諾青山獨往昔
侍同朝甚喜已勝萬戶之侯封今受一廛爲氓真是
二天之我有敢無扣角仰跂巾車

賀程右司

伏審三節星馳九閔天近每慨吾鄉之氣數誰在帝
傍有如我公之聲光亦勞使傳父當召矣無以歸兮